

葉氏醫案存真
義



葉氏醫案存真

元孫萬青校刊

汪天植 脈數如浮重按無力發熱自利神識煩倦咳
喘痰聲如嘶渴喜熱飲此非足三陽實熱之症乃體屬
陰虛冬月失藏久伏寒邪已經蘊遏化熱春令陽升伏
邪隨氣發泄而病未及一旬即現虛靡不振之象因津
液先暗耗於未病時也今宗春溫下利治

淡黃芩

杏仁

枳殼

白芍

鬱金汁

橘紅

女科有胎炁以立基爲要惡阻嘔吐酸味宜安胃調氣



產後下虛血病爲多今腕中痞脹減食不適全是氣分
之病但調氣寬中勿動下焦爲穩

生香附汁 蘇木 神麴 豆蔻 桔梗 茯苓

春溫症 附暑濕熱

朱先生勞倦嗔怒是七情內傷而溫邪感觸氣從口鼻
直自膜原中道蓋傷寒陽症邪自太陽次第傳及至于
春溫夏熱則鼻受氣肺受病口入之氣竟由腕中所以
原有手經見症不比傷寒足六經之病也其原不同治
法亦異仲景論溫邪不可發汗汗則劫津傷陽身必灼

熱一逆尙引日再逆促命期又云鼻息鼾語言難出劇則驚癇癉癉無非重劫津液所致今病發熱原不是太陽客邪見症所投羌防辛溫表汗此誤卽爲逆矣上竅不納下竅不便亦屬常事必以攻下希圖泄熱殊不知強汗劫津而傷陽妄下劫液更亡陰頃診脈兩手如搐而戰舌乾燥而無胎前板齒乾目欲瞑口欲開周身燈照而淡晦斑紋隱隱約約幾日來時有呃逆因胃乏穀氣而中空肝陽衝突上冒肆虐耳爲今返正先與糜粥使胃中得濡厥陽不致上冒而神昏之累可已進藥之

理甘溫可以生津除熱卽斑疹亦不足慮觀仲景論中邪少虛多陰液陽津並涸者復脈湯主之謹倣此義

炙甘草 人參 生地 白芍 阿膠 麥冬

溫邪有升無降經腑氣機交逆營衛失其常度爲寒熱津液日耗渴飲不飢陽氣獨行則頭痛面赤是皆冬春驟煖天地失藏人身應之患此者最多攷古人治溫病忌表散誤投卽謂劫津逆傳心包最怕神昏譫語妄狂治病以辛甘涼潤爲主蓋傷寒入足經溫邪入手經也上潤則肺降不致膈鬱胃熱下移知飢渴解矣

嫩竹葉 桑葉 杏仁 蔗汁 麥冬 生甘草

石膏

水淨
糖炒

起自熱病熱傷陰絡血十 為自當宗血脫益氣之旨今
脈左大急疾右小微弱臍旁動氣肌膚枯燥陰分大耗
正當暑月何以堪此擬進九龍法通補兼施若得動氣
稍減病可平和矣

熟地炭

山查

糖油
炒

琥珀屑

新絳

冲入藕汁

素有濁陰上干之症近因濕氣淫蒸新舊合而為一壯
熱吐苦水噦上逆舌色微白脈小弦木氣欲升而復為



濕遏之象也。當用苦辛以劫濕邪爲主。卽仲景先治新後治痼之意也。

川連 泡薑 炒厚樸 半夏 塊苓

卽進一劑。噦少。緩可用黃連溫膽湯一二盞。

邪熱盤踞陽明。體虛不耐重劑。宜輕用苦辛通泄爲主。

連翹 杏仁 生香附 橘紅 滑石 鮮荷葉

通草 銀花

又方 米仁 連翹 銀花 橘紅 通草 青荷梗

中氣素虛形寒。飲冷遏伏暑濕之火。蘊於臍中。劫津耗

液盡從燥化 加氣不能下輸腸胃燥滿不行下之遂通
血下行血既下奪亦云竭矣陰不配陽汗從外泄卽爲
上厥上厥下竭肺經獨受燥累急進清燥救肺湯以回
陰液

枇杷葉 人參 麥冬 桑葉 阿膠 杏仁

生石膏 竹葉

繼進方 羚羊角 棗仁 茯神 山梔皮 黑豆皮

枇杷葉 麥冬 蔗汁 鮮菖蒲

再進方 小生地 人參 阿膠 茯苓 黑豆皮

枇杷葉 青蒿 麻仁 麥冬

脈來和靜舌胎已退但時或煩熱胸中未適此皆燥邪未盡之徵是以神識尚未全復究竟必以滋燥爲先

阿膠 枇杷葉 麥冬 川斛 山梔 北沙參

茯神 菖蒲

邪脈悉退微遲和緩用平調營衛胃氣自復復脈湯主

之

人參 麥冬 炙草 阿膠 茯神 白芍 麻仁

五味 炒生地

舌白肢厥語錯丹疹背多胸少汗大出此濕邪著於氣
分邪鬱氣痺故現外寒非虛脫也生地阿膠滋清涼血
則氣濕愈阻此屬邪鬱不但分三焦更須明在氣在血
羚羊角 天竹黃 射干 川貝 米仁 茯苓

石菖蒲

目赤脣焦齒燥舌黑嬉笑錯語發噦發斑溫毒遏伏之
象

萊豆殼

銀花露

方諸水

犀角

川貝母

人中黃

蘆根汁

徐徐溫服

又方 金汁拌浸人參 銀花露 鮮昌蒲 元參

鮮生地 羚羊角 眞金箔

五十七歲豐腴體質適值過勞陽氣受傷嘔吐食物無
頭痛身熱已非外感風寒而間日煩躁渴飲脣焦舌黑
是內伏熱氣由募原以流布三焦亦如瘧邪分爭營衛
者然然有年積勞既久伏邪客病本輕脈小緩按之不
爲鼓擊可爲徵驗且二便頗通畧能納穀焉有停滯積
聚仲景於痺熱無寒之條不出藥方但曰以飲食消息
後賢參聖意甘寒以養胃陰其熱自解要知表散之辛

溫消滯之苦溫以及苦寒沉降多犯聖訓戒律矣

鮮生地 甜杏仁 麥冬 花粉 竹葉心

青蔗汁 連翹

舌心黃邊白渴飲水漿停胃腕欲吐微微冷呃自利稀
水小便不利診脈堅勁不和八旬又二暑熱濕邪內著
必脾胃氣甦始可磨耐以尊年不敢過用清消矣議用
清暑益氣方

人參 茯苓 廣皮 猪苓 石蓮子 川連

黃芩 厚樸 澤瀉 煨葛根

脈弦嘔吐心中懊憹不納水穀倏冷忽熱雖因嗔怒七情兼有客邪伏氣汗多不宜表散清暑和中爲正治

杏仁

半夏

鬱金

茯苓

廣皮

枳實

金針

診脈左虛大右濇小弱症見目暝短氣遺尿肢掉神識漸迷渴不欲飲侵早稍安晡時煩躁此乃積勞元傷熱氣內迫劫燥臟液致內風欲擾有瘕厥之慮仲景謂元氣受傷致病當與甘藥就暑熱傷氣亦屬發泄所致東垣發明內傷暑病益氣諸法足爲炳據若動攻表裏是速其散越耳

麥冬 生甘草 鮮蓮子 知母 竹葉心

不飢不欲納食仍能步趨長夏濕蒸著於氣分陽逆則
頭中脹悶肌色萎黃與宣氣方法

西瓜翠衣飛滑石 米仁 蘆根 通草 鬱金

脈轉數舌紅面腫消膚痛汗減耳鳴咽嗆肛痔濕中化
熱乘竅仍清氣邪佐通營衛桂枝白虎湯主之
酒家濕勝於內暑邪穢氣亦由口鼻而入內外相因延
蔓三焦汗多寒熱不解非風寒從表而散頭脹腕悶嘔
惡而渴不多飲兩足反冷是熱在濕中而來古稱濕上



甚爲熱不與傷寒同論

杏仁 半夏 茵陳 白蔻 厚樸 廣皮

茯苓皮 六一散 鮮菖蒲

三益號 勞倦吸入冷氣營衛不行則形寒戰慄今申
焦未醒宜和脾胃

當歸 白芍 桂枝 炙草 大棗 煨薑

章 暴冷外加熱氣內鬱肺室不降腕悶如飢水飲欲
嘔頭痛寒熱當治上焦

桔梗 象貝 橘紅 地鈴 北沙參 杏仁

熱緩神昏欬痰嘔逆舌不能言餘邪漸入心包絡恐癰
癰進芳香入絡法 萬氏牛黃丸

穢濁不正之氣擾中痞悶惡心頭疼煩渴形寒內熱邪
不在表未可發散

杏仁 薑皮 滑石 通草 白蔻 鬱金 花粉

連翹

脈細數舌絳煩渴時熱病九日邪氣稍衰正氣已虧不
宜再作有餘治

鮮生地 阿膠 元參 麥冬 知母 麻仁



時疫發熱脘悶惡心斑發不爽神煩無寐舌色轉紅邪熱將入營分雖胃滯未清亦宜先清營熱勿得滋膩爲穩

鮮竹心 元參 連翹心 鮮菖蒲 銀花 川貝

陰液損傷陽氣上冒衄血欬痰理宜和陽存陰冀津液稍復望其轉機至於疎滯解表和表諸法自然另有高見非敢參末議也

秋石拌人參 阿膠 鮮生地 麥冬

脈稟咳痰欲嘔飢時甚雖是時邪未清高年正虛理宜